



UKA 2018/170  
19. november 2018  
Bentiaraq Ottosen

**Inuusuttut inissiaat pillugit nassuiaammik Naalakkersuisut kingusinnerpaamik UKA2019-imi saqqummiussinissaat pillugu Inatsisartuni aalajangiiffigisassatut siunnersuut. Nassuiaammi inissianik sanaartornermi maanna suliniutaareersut sakkussallu tassunga attuumassuteqartut, soorlu ineqarnermut tapiissutinik nalilersuinerмик imaqarlunilu maanna ingerlanneqartunit pisariaqartitsineq naammassineqarsinnaangippat suliniutinut tapiliussassanut kaammattuutinik imaqassaaq**

(Inatsisartuni ilaasortaq, Mimi Karlsen, Inuit Ataqtigiit)

Siullermik aalajangiiffigisassatut siunnersuuteqartumut saqqummiusnaanut qujavugut.

Nunatsinni ilinniartoqarfiit Qaqortoq, Nuuk, Sisimiut, Aasiaat eqqarsaatiginerullugit inuusuttunut inissianik sanaartornissaq orniginartorujussuuvoq, taamaattumik siunissami inuusuttunut aamma akikinnerusumik ineqarusuttunut periarfissiinissarput pingaaruteqarluinnartuuvoq.

Kolligianik sanaartornissaq ilinniartoqarfinni pisariaqartinneqarpoq, sulialli aallartittussanngornerat nuannaarutigaarput. Taamaattumik pisariaqartitsineq aallaavigalugu sanaartornissat Naalakkersuisut suliarilereerlugit aallartippaat.

Aningaasanut inatsisissatut siunnersuummi 2019-imi allaqqasoq naappertorlugu konto nr. 84.40.15-imi ilinniartut inaanik sanaartorneq pineqarpoq. Nuummi aamma Qaqortumi ilinniartut kolligiassaat sanaartorneqassasut 2022-imilu atuutisilissasut allaqqalluni. Kingusinnerusukkullu aamma Ilulissat, Aasiaat, Sisimiullu ilinniartut ineqarfii sananeqassallutik.

Taamaattumik isumaqarpugut nassuiaammik pisariaqartitsisoqanngitsoq, uani sanaartukkat aallartisareertut saniatigut allaffissorneq annerulersillugu nassuiaasoqannginniassammat. Taamaattumik una siunnersuut itigartipparput.